



ЧАННАЦУКУ

«ЗВЕЗДА»

27 октябрь 2017ш

ножмар

№ 44 (6575)

Багъа 2 къруш

Газета буклаккиссар
1951-ку шинал
ноябрьдания шинмай

Учредитель: Ккуллал районналул администрация
Кулинская районная администрация

Бугъараминнах аякъалий

Жула районналул шархъаву чансса бакъар оърмул бугъара хъусса инсантал. Миннава тамассанна аьркинну диклай аякъа даву, чларав бацлаву, цахра къулагъас дуваву.

Цанчирча, оърму давурттай зий, кулпат ччан най бацан буллай зий-захлат буллайгу бивкун, хъуни хъусса оърчл-душгу цала оърмулунсса дулан магъ дуллан лавгун, цивппалу ливчусса бунутий. Укунсса оърмул бугъара хъусса инсантал мякъну биклай цахарасса къулагъасрах, члахху-чларавнал хавар-мукъух. Мунихтуну бусрав-барчаллагърансса шай шинай цал бухурчагу бугъара хъуминнал кьини, барз ккаккан баву.

Гъашину октябрь барз хъунни районналий бугъараминнал барзну. сйаки гъарца шяраву тлайла бувкунни бугъара хъуминнал барз.

Октябрьданул 24-нний хъуннасса сакиншиннарай ва тяхъану кьичл лавгунни бугъараминнал кьини Ваччав.

Бугъараминнал кьини титлай Ваччиял шяраваллил клубрал зузала Оьмариева Аьшатлул кьичл лавгунни бугъараминнал кьини кьичл лагаврил мурадци буссарив буслай кьичл лавгунни, вания тихуннайгу бугъараминнахсса къулагъас чан хъун кьаритаву душиву.

Бугъара хъуминнал кьинилин бавтлуми барча буллалисса махъ лахълай районналул ветерантурал Советрал председателъ Аь. Загъидиевлул кьичл лавгуна, дунияллийсса халкъуннал дянив цинявнал кьичл лагайсса ца байран кьинину

хъанай душиву бугъарминнал кьини кьичл лагаву. Чла укунна шиккун бавтлуминнал ва шяравусса циняв бугъараминнал вания тихуннайгу цулулушиву, жагъилсса никирал, оърчал оърчал ххари буллалаву.

Районналул администрациялул чулуха оърмул бугъарахъуминнал кьинилу шал барча баву дурна райадминистрациялул виваллил политикалул от-

делланул хъунма Ш. Хизриевлул. Шяраваллил администрациялул чулуха барча баву дурна администрациялул бакчинал заместибель Р. Мьдаева, бугъараминнал чулуха - Разият Махлammaдoвал ва м.ц.

Бугъарахъуминнал тьхъашиврунсса концерт ккаккан дурна культуралул зузалтрал ва балайрду шаллу бувна оърмул бугъара хъуминналгу. Мукунма бугъарахъуминнал хъхъчл тивтун бия аваланшиву дусса ссупрагу



Бугъараминнал кьини ЧIяв

Октябрьданул 24-нний ЧIяйнал шяраваллил бигъалагай къатлуву хъуннасса уттарашиву дия. Му кьини шикку шяраваллил бигъалагай къатлул директор Алхасова Силихлатлул ва шяраваллил библиотекалул хъунмур Ибрагъимова Гулал каялувшин наралу шяравусса бугъараминнал хас дурсса вечер сакин дурну дия. Шиккун бучлан бувну бия шяравусса чIярусса шиннардий зий бивкисса захлатрал

ветерантал, дяввилул гьуртучитурал ша хъами. Миннавух бия Маммадиева Патимат, Айдаева Райхланат, Маммедова Басират, Махлammaдoва Алхасова Салихлатлул. Хъирив укунна балайрду ХIусайнов Юсуплул, Маммадиева Патиматлул ва Рамазанова Гулжагърал. Махъру лавхъуна цинявпагу шиккун бавтлусса ветерантурал. Миннал хIадур дурну дия хъинну ххуйсса хъамалушин.

Вечер титлатлисса ихтилал бувна Алхасова Салихлатлул. Бугъараминнал ххарисса кьинилушал барча буван, махъ буллауна

шяраваллил администрациялул бакчи Махлammaдoв Исяхъхъун. Ихтилал бувна мукунма Ибрагъимова Гулал ва Алхасова Салихлатлул. Хъирив укунна балайрду ХIусайнов Юсуплул, Маммадиева Патиматлул ва Рамазанова Гулжагърал. Махъру лавхъуна цинявпагу шиккун бавтлусса ветерантурал. Миннал хIадур дурну дия хъинну ххуйсса хъамалушин.

А. Аьдуллаев

Шяэрнан хас дурну

Вай гъантрай октябрь зуруй Къяйнал школалий хъунни М-З Аминовлул чичрулун ва оърмулун хасъсса вечер.



Вечер нани дурну бия ниттил мазрал ва литературалул учительница АьвдурахIманхъал Сарьяна Муртазааьлил душ. Ванил кутлану бувсуна шяэрнайту ва махъ буллауна 8-мур классрал ученик Маммахъал АьвдулпаттахI ХIасаннул арснахъхъун, ванал компьютерданийгу ккаккан дуллай бувсуна шяэрнал чивчусса луттидаяту, миннувусса шеърирдая, поэмардая, хавардая. Шяэрнал назмурду, мюрщисса хаварду бувккунна оърчал: Миннул мяна мурад, агъамшиву оърчан бувчин буллай бия Сарьяна Муртазааьлил душ.

М-З Аминовлул Дагъуниверситетравусса даврияту, ганал цахъра дарс дишаврияту, шяэрнацалсса цала хъунаакъаврия, ганал поэмардаяту бувсуна Рамазан Махлammaдoвлул. Ванал бувсуна шяэрнал назмурдавусса тьвхха тлисса рифмардаяту, ритмалияту, чIурдая дагъан дуллалисса макъаннаяту.

Мажлис кьуртал буллай АьвдурахIманхъал Сарьянал бувсуна шяэрнал жула дагъусттаннал литературалуву бугълагъисса агъамсса кIанттуту.

Мажлис лавгуна лайкъсса даражаллий, шикку гьуртту хъусса оърчIру, учительтал рязину ливчуна дурсса даврияту.

Р. МахIаммадов

Кьинилул масъала

Гъарца кьинисса базар аьркинну бур

Аьрасатнал Минпромторган хIисав хъуну бусса бур махъсса арулла шинал мутталлий шяравал лал хозийствартгал даххай сса хъус чан хъуну душиву. Мий хъус шяраваллил инсан турача чан шаврин бувну яларай дагъну дакъасса дурча, даххансса кIантту; базарду, рынокру бакъашиврин бувну чан хъуну дусса дур.2010-ку шинал базаллаву даххайсса хъуслил сияхI диркIхъурча 12,4%, гъашину мий дусса дур 6,6% дирну. Цивппа базардугу чан хъуну бусса бур ххуйла. Мунин бувну цакънива лавкъусса кIанттай бакъа рынокру ва базаллу буван ихтияр къа диркIхъурча, утти ихтияр дулун тий бусса бур къа тIувгу тивтIусса кIанттай гу дахху-ласу дуллан.

Мунин бувну чIун хъуну дур жула районналул центрну хъанахъисса Ваччиял шяраву мудан зузисса базар титIин. Учин мукъун шикку яхъанай ва зий бур чIявусса идарар

ттал зузалт, шиккун буклай бур циняв шяраваллава цала иширттай чIявусса инсантал. Ттул пикрилий, даххултран хайр бакъа къабикIанссар. БикIайссияхха Ваччав мудан зузисса базар. Утти цивхъуссар базар къатIитIин? Ваччиял шяраву дур нуклувасса райпорал оьнна цичIав хайр ласун къахъанахъисса къатри. БучIияхха вайннуву цанна дагъайсса 20-30 къруш ца кIанттухгу ласлай дахху-ласу дуллан. Жула районналиясса бакъагу жучIанма буклай бур цамур кIанттаяссагу хъус даххулт. Ваччиял шяравалу дирхъусса аьрщи Ваччиял администрациялийн хъар хъанай духъукун ва агъамсса масъала биттур буван багълай бур Ваччиял администрациялул. Жула инсантуран жура хIаллихшиннарду, оърму бутан бигъашивуртту хIасул къа дуларча, цама жучIана ув кIун вай иширттаха къазун тIиссар. ТитIара муданма зузисса базар Ваччиял шяраву.

ХI. ХIусайнов

Агъамсса дарсирал олимпиада

Октябрь зурул 21-нний Ккуллал районналь Ваччивл школалул спортзалдану хъунни щала Аьрасатнаву нанисса, районналул этапнуса ОБЖ-лул (Основы безопасности жизнедеятельности) олимпиада.

Гьуртту хъанахъимин навух бия: Хъусрациял, Ккуллал 1-мур, Хъовхъиял, Къяннал, Сумбатуллал, Ваччивл 7-11 классирттал оьрчлору. Олимпиада хасул дурну дия теориялул тестирдан жавабру дулаврия ва оьрмулу хъуна бакъин бюхъайсса иширттаьсса суаллан жавабру дулаврия. Теориялул



Дагъусттаннал Клушиву дулаврил министрствалул вакил Гучаев Артур.

Олимпиадалул хасулшинна дулла ва дачин дурну бия: Ккуллал районналул УО-лул баклчинал хъиривма Оьмариев Жамалуттин, УО-лул пиша картал Ахмадов Нуруттин, Хусайнов Юсуп, Чяйннал школалул ОБЖ-лул учитель Рамазанов Аслан.

Тестирдайсса суаллах ябивтсса чумал шикун бия оьрмулу мудан хъуна бакъин бюхъайсса иширттан хас бувсса суаллу. Инсан шагьрулул транспортраву нанисса чумал чу дишин аьркинссарив арцу,

хъазамрайн щаву дирну духурча га цукун дахтин аьркинссарив, интернетраву инсантурая арцу цикл акисса иширттан хас бувсса, гъаваллаву цамур чумал къадиклайсса къанкъ духурча ци бан аьркинссарив, ка-ччан гъавгъний цукун кумаг буван аьркинссарив ва цаймигу чявусса суаллу. Суаллал захматшиврух бурувгун ккаккан бувну бия баллу. Теориялул суаллан жавабру дуллуну махъ бия суаллу буллай практикалул зумунуссагу. Газирал плиталий нагъ шахъан дулла лисса клункурдуцлук цу лачлурча га цукун лещан дуван аьркинссарив, противогаз цукун лаххан аьркинссарив, аьралий авто матрал базурду цанния цали биван ва махъунмай багтин ва цаймигу суаллу.

Оьрчлал ккаккан дурсса Клушиврун къимат бищаву

дуван тий дусса дия Махачкъалаливсса центрданул. Гайннала бусан тиссар тива республикалул этапрай цу гьуртту хъун тиссаривгу.

- Сура тирттай:**
1. Олимпиадалул баклчитал
 2. Олимпиадалул суаллан жавабру чичлай
 3. Практикалул лахъа



XI. Хусайнов



Бухьттан бишаврихлусса танмих I

Судиянай, присяжный заседательтурай, прокурорнай, следовательнай, дознание дуллаиманай, судрал приставнай бухьттан бишаврихлу Аьрасатнал Федерациялул Уголовный кодекстрал 298.1 статьярайн бувну уголовныйсса танмих I райн клунклу бувайссар. Бухьттанналун ккалли

бувайссар вай зузалтрал марцлсса ца чапал дуллалисса, правоохранительный органнал, судрал, авторитет ва ца къюкьин дуллалисса тларду итабакълакъаву.

Къюкьин буллалисса тларду хъанахъиссар къадурну дунува законналул тлалавшиннарайсса ххуллу къалавсуннитлутлаву, тлайла дакъасса тлул дунни тлутлаву, жяматрал ва цала оьрмулуву лайкъ дакъасса тлуллу дунни тлутлаву.

Му преступление дурну диклан бюхъайссар судрал ххал бигъаву дуллалисса чумал, силиста буллалиний, цаймигу ххалбигъавуртту дуллалиний судрал масъаларттацлун бавхлусса, судрал танмих I райн клунклу уллалиний ва мукунма цаймигу иширттаву (масала судрал ххалбигъаву къуртал хъуний корреспондентнахъхун интервью буллалисса чумал).

АьФ-лул УК-лул 298.1 статьялийн бувну танмих I райн клунклу увансса мяъна дакъассар, лу итабавкъусса тларданул тахсирлув уллалиманал къу-

лайсса асар суд тлайлану бавриха зузисса правоохранительный органнай баян баврил. Масала, преступление душиврун ккаллиссар, щялмахъсса баян баву дуварча судья налог дулаврия махбаллил хъанай ур тий, ягу мунал цаймигу законналийн къаршийсса тлуллу дуллай ур тий бухурча, ми тларду сававну судья укъан аву тлалав дуллалисса, ягу ци дунугу ца цакусса дело ххал дигъаврия махбаллил уллалисса, къатлайласса хлукмукъамулбувануллалисса.

Вай укунсса тлуллу дуллалисса ацния ряхра шиная лавайма жаваблувссар дурсса преступлениелул ялув.

Ххал дагълагъисса преступления личлайссар АьФ-лул УК-лул 306 ст. (щялмахърайсса баян баву) бувну танмах I райн клунклу аврия.

Тлайланмасса щялмахърая баян бувсса чумал, му гъан байссар мунил хлакьраву уголовный дело сукку дан ихтияр дусса органнай.



Бухьттан бихълахъисса тларду ппив булла би-клайссар жяматрал дянив ягу тлайла буклан биклайссар идарардайн, органнай, мунил мурад къюкьин аву, ялавай утаву. Му чумалсса бухьттан судиянай, присяжный заседательнай ягу суд тлайлану буван гьуртту хъанахъинай бивхъун бухурча, танмах I райн клунклу увайссар АьФ-лул УК-лул 298.1 статьялул 2-мур бутлуин бувну.

Лавай клицл лавгсса инсантурай бухьттан биширча танмих I райн клунклу увайссар АьФ-лул УК-лул 298.1 статьялул 3 бутлуин бувну- клусса ягу хъиннура клусса преступление дуваврихлу. Цумуцаннангу клуну биклан аьркинссар щялмахърал ликри хъамул душиву, бухьттанналул баклан бала буцайшиву.

Х. Дандамаев, Лакрал ва Ккуллал районналул прокурор

Агъамсса масъала

«Ттукрансса багъ»

Жула инсантурал баклурдивун циваннив къаклулли блякъуну багъну бур Лакку билаят къянатсса кланур тисса зат. Бюхъайр ччянива мукун бивклун бивклангу.

Амма аьлтта чалай махъсса ххюцалла шинал мутталий дуняллийсса тлабиаьтралтагъар, мукунна жучлара Лаккуймур хъинну даххана хъуну дур. Яний гъели хъуну дур. Ва иши раяту буслай бур тлабиаьтрал иш-тагъар шиннардил мутталий ххал дигълагъисса аьлимтал. Кюла хъанай бусса бур Ухсавнил чулий сса океандалул ганз микл. Лаккуйсса аьрщарай ххялай дур чярусса арнил ххя ххияртту. Тлайлар Лакку билаят хисав буллай бур аграномтал «Зона риско ванного земледелия лун». Бур мукунсса ишгу. Чявхъа бивчуну, марххала бувну, гьараллу къадуллай къурагъшиву дагъну баклахъия зия шай. Амма Аьрасатнал билаят бивхъусса географиялух иширттах ургарча, жуярва оьтари сса клантурдай яхъанахъисса инсанталгу бушиву жунма клулли.

У т т и г а н н у Дарбантлия ттула къатлул къай-къуй дирхъуну Вихълив увкисса Урудж тисса таба саран миллатрал шофернал жулла чйри диртсса аьрщи ххал шайхту: «Нувци бу гъансса аьрщи къадулу вивав ший ттун? Акъарив

жул Табасараннал район налий заллу акъасса аьрщарал парча бириллан къаби клайрхха», - куна. На хлукму буван бюхъайсса къуллугъчи акъашиву бувсун ттула мур хъунил дачли дулун хъун ссар увкуссия. Ганан гектар ччай дия.

Бюхъайссар зун бугъарами инсантуран дакIний биклан СССР-данул махъ шиннардий дуки-хлачиялул ттучаннал ккасардал чларав диклайва «сопоставляющие товары», - тисса къай-къуй. Чиллу, къусри, истиканну ва цаймигу къай-къуй. Ва иширал бусла сиссар гай ттучаннал товаро ведтал (уттисса менеджер тал) баклру зузисса пиша картал бивкIшиврия.

Зунттаву яхъанахъисса инсантуран хъуруннай бакIлахъия дугъаву, багъру баву, ятту-гъаттара ябаву да къагу «сопоставляющий» давурттивгу дуван хъун ссархха. Бюхъайр Москва лив лавгманан ххал хъуну биклан тийхсса Ятлул май динних бавкъусса вихху ччив. Утти дур ссая дур ссарив къаклулсса чарттал «терсарая» бувсса чартту бакълай майданнайх, ххул лурдайх. Ттуннив Вихълияту вивав ший ттун? Акъарив (Ахир 4-мур лаж.)

(Дайдихъу 2-мур лаж.)

Ваччав даврийн нани сса чумал Хьюйнал лув сса Хун неххайсса ламуйн ийхту неххамач дурцусса виххуччив ххал шайхту гьайп тун иклару укусса аваданшиву жучлара дунува ва ишла дуван къахъана хъаврия.

Вава ххуллий ца-кларина шинал хъхьичи кинттул марххала лув бивхусса кьини Цуйшиял шярава ливчуну, вайннал багърачлан ивсса чумал, тул янилун багъуна Хьюйнал чулуха нанисса урчIва-ацIва ттуку.(Ва иширая на цакънивагу ттула макъалалу ву бувъссия) На яла авцуну ттукри чун най бурив уруглан ивссияв. Ххал

«Ттукрансса багъ»

барча инсантураца биттун къавхусса, Пабиаьтрал бахшиш бувсса, багъраву сса мурхьиртрал лув бияйх ту хъхьимичиртта мар ххала тишинмай булла гайннул лувсса гивчру канан бивуна. Цукунни туну учинтIсса, ттукран аькьлу бакъассар куну? Жул чIаххурай яхъанахъисса буттарссил Аьйшатлул бикIайва мукун аькьлу-кIулшилул бувчусса ттуку, цийра дихълахъисса гиву кIу хъанан дикIайхту бунийва утту бишайва. Къаччан бивкIнийгу лув мур мурчигу зурчIайтIи дурну танж лагайва.

Испаннал шаэрнал

Хименеслул буссар ттукул аькьлу - кIулшилул аваданшиврия чивчусса «Платеро ва На», - тIсса лу. Платеро ттукукун цар. Валуттирах ванан дуллуссар Дунияллул литературалува яла лахъмур бахшишну хъанахъисса Нобеллул цани сса премия.

Учкъулалий дук лакисса чумал жу бувцунув экскурсиялий Хъунайнал шяравун ва такну гиккусса Аьбдул тIсса багъманчинал хъун бувсса багъравун. Га чумал Аьбдуллул бувсуна га багъравун ацIуннивун дияннинсса километралийх щин дурцушиву. Утгисса инсан туран бур ваца ччатIул бул

карду мурхьирай ххяххайни кумма чIалай. ЗахIмаг буван чай бакъар. Ххуйва ххуйну хъун бувсса буттаьхал багъ бур Цуйшиял жяматрал

Хьюйнал ттукран къабивтун. ЧантI учияра, багъру «ттукрал» багъирдайн кIура лага

ХI. ХIусайнов

Баян!

Зула телевизордал хъирив бухъхъияра!

Ваччавсса телевизорду бакьин бувай мастерскойлувун хъхьичIсса шиннардий бакьин буван буллусса тамансса телевизорду бур. Миннунсса запчастьру къаляхълай(ми бухсса журалул буну), бакьин буван буюхълай бакъар.

Мунихтуну тавакьюри залухъруннахъ зула телевизорду махъунмай ласун бучIаву.

Агарда ва баян газетрай бувкун махъ ацIва гьантлул мутталий хъирив къабучIарча, ми аьркин буван къашайсса бушиврийн буну эьки бичинтIссар. Мунихтуну, цила чумал хъирив буккьяра зула телевизордал. Миннул гъакъираву цIуххаву дуван буюхъайсар ва телефонналул номерданий 8988-449-65-60 мастер Эфендиев Закир

Даву дакъа ливчIминнах аякъалий

Махъсса шиннардий жула хIукумат хъуннасса аякъа дуллай бур даву дакъа ливчIминнан зунсса клан ттурду щаллу бавриха зий. 2017-ку шинал октябрьда нул 25-ннийнин районналул центр занятостьрайн був кIун бур 480 инсан, вайна вату хъамитайпартту-300, арамантал-180. СияхIрайн лавсун бур 231 даву дакъа ливчIми, ва школьниктал-77 иснан. Жагъилсса оьрмулул исантал бур-61 исан, зувира шина-54шинайн бивсса бур-144 инсан. Вайнава инвалидтал бур 48 инсан. Махъсса шиннардий жула хIукуматрал хъуннасса аякъа дулай бур даву дакъа ливчIсса инвалидтуран зунсса кланттурду щаллу бувансса чаранну ккаклай. Ванин буну ухъурча районналий даву дакъа инваид бучIиссар центр занятостьрайн увкIун кIул буван.

Валарай кIицI ларгсса чIумул мутталий дурну дур укусса давуртту: чIумуй нусса ва муданнасса даври хун бивчуну бур-216 инсан, досрочный пенсиялин гьан буну бур 4 инсан, даву лякъин къахъанахъисса цангу 2 шин ливчIсса песиялий буккан, професси ональный консультациарду дурну дур-267 инсанан, даву дакъаминнан пособия буллуну бур 1 миллионва 626 азарда къуруш.

ХIукуматрал финансирование дакъашив рин буну гъашину дуклан

гьан бан къабювхъунни цавагу даву дакъа ливчIма.

Центр занятостьрал электронный почталийн бучIайссар щала хIукумат рай бусса вакансиярттал информация. Вай вакан сиярттащал жу кIул бувай ссар даврих луглагими. Махъсса зурдардий був кIун бур МахIаькъаливсса вакансиярттал информация. Ванин буну вай вакан сиярттащал буюхъайссар кIул хъун зун гьан ччисса ухъурча МахIаькъалалив. Вакансияртту бур врач нал, шофернал, менеджертурал, рабочийнал.

Даву дакъа ливчIми интернетраву портал «Работа в России» сайт райхчIи кIул байссар регионайсса давурттал тIлашиннардащал. Вай масъалартту ххал бигъайссар профориентациялул ва агъалий давурттал щаллу байсса центрданул специалистурал цачIуну. Гьарцагу инсан нащал дайссар профинформированиялул, психология лул кумаграл ва адаптациялул хасъсса давуртту, административ регламентирттал тIлавашиину дурурччуну. Хъуннасса жаваблувшин дусса, цIанасса чIумул тIлавашин дуручин багълагъисса хасъсса программа дур хIукуматрал къамул дурсса. Даву дакъа ливчIминнан булайсса пособия, му хъанхъиссар чIумуйсса арцуйнусса кумаг.

Вай давуртту дакъагу центр занятостьрал ххал дувайссар охрана труда районналийсса организациярттай ва учреждениярттай. Мукунна ххал дувайссар бюджетный учреждениярттай тIлайлану харжи булла лаву, хъирив бацIайссар ми харж чIумуй буллалавий, регистрировать дувайссар коллективный договорду зузисса инсантал законналул ххуллия чулинмай къахъун, миннал ихтиярду дуруччин.

Центр занятостьрай зузисса специалистал зий буссар Закон «О занятости населения в РФ» буну ва Административный регламентрайн буну. Гьарца специалистнан дуссар хъинну ххуйсса условияртту дурну даву дакъаминнащал зунсса ва посетительтуран комфортныйсса условияртту дуссар дурну. Гьарца аьркинсса информация буссар лавххуну центр занятостьрал помещениерттал чирттайсса стэндирттай.

Учтрай ацIаншиврул даву дакъа ливчIминнан аьркин ссар обратиться хъун центр занятостьрайн вай ялавай кIицI лавгсса документругу лавсун цацала:

- паспорт
- документ об образовании
- трудовая книжка
- СНИЛС
- ИНН

Агарда инвалид ухъурчан карта индивидуальной реабилитации. Зий ивкIсса

ухъурчан спавка о средней зарплате. Агарда вай аьркинсса документругу лавсун учIарчан центр занятость райн му ласайссар учет райн заявление- анкетагу дуцIин дан увну. Пособия бишайссар кIива журалий. Агарда даврий зий ивкIун 26 нюжмарданул стаж бугъурча, муна бишайссар пособия по безработице 12зуруй мунал зарплаталух бурувгун, шанма-зуруй 75% от средней зарплаты, 4-зуруй- 60%, ливчIи зурдардий -45% от средней зарплаты. Пособия лахъ

хъун къабучIиссар 4900 къурушрая лавай зунттал процентругу хIисавну.

Агарда даву дакъа ливчIма зий къаивкIун ухъурча, муна бишайссар пособия по безработице 6-зуруй 850 къуруш, ванин бияйссар 15% зунттал процентгу. Даву дакъа ливчIма занан аьркинссар зуруй кIила перерегистрациялийн. Зуруй кIилва булайссар муна пособиягу.

Диретор ГКу РД ЦЗН в МО «Кулинский район»

А. Д. МахIаммадов.

ХIурмат бусса газета буккулт!

Най дур 2018-ку шинал 1-мур дачIи шинал букIлансса

« ЧАННАЦІУКУ »

газетрайнсса подписка даву

ДачIи шинал мутталий букIлансса газетрал багъа 202къуруш ва 86 кIапIикIри Чичара жула районналул

«ЧаннацIуку» Газета!

Редакциялул адрес
368390, Республика Дагестан
Ккуллал район, ш.Ваччи
Издательнал адрес:
Республика Дагестан
Ккуллал район, ш.Ваччи

Газета регистрировать
буссар РФ-лул МТПР-лул
Южное межрегиональное
управлениялул.
Регистрациялул номер
ПИ № 10-4202

Хъунама редактор
А.И. Къянчиев

Газета бавтIуссар «ЧаннацIуку»
газетрал редакциялул компьютердай,
бившуссар ГАУРД «Издательский дом
«ДАГЕСТАН». Типографиялул адрес:
367018. МахIачкъала, пр.
Насрутдинова 61,

Буккайссар нюжмардий цал,
Индекс: 51317
тираж 657 экз. Газета итаба-
къин къулбас дайсса чIун 17.00,
къулбас дурсса чIун 16.00
gazetazvezda@mail.ru